

### Von dem Teütschen land.

dix

Kein möder were / wann er hett erstochen künig Albrechten / welcher vormalz seinen herren künig Adolphen wider Gott ehr vnd recht geschlagen het. Man sage das sein hauffraw vnder dem rad leg bettende / als jr herr auff dem rad lebe vnd redt. Es wurden von obgedachter thar wegen vil des adels vertriben auß diser landen. künig Albrecht ward zu künigsfelden begraben / vnd über eelich jar wider auß graben vnd gehn Speyer zu seine vatterr gelegen. Es ward auch bald darnach gehn künigsfelden gefürt vnd begraben Herzog Lüpold / der bey Sem-pach erschlagen ward / wie hernach gesage wirt.

### Habsburg im Schweyzer land.



Abspurg das schloß ligt nie fern vñ künigsfelden vñ vñ Bregt / dz sol ein graue von Habsburg mit namen Rapotus mit hilff seines brüder graue Wernher / der ein bischoff zu Straßburg was / gebauwen haben vmb das jar Christi 1070. Von dem fast alten Grauen von Habsburg solt du mercken / das sie iren vrsprung genomien haben von de alter künigen von Frankreich. Dann es hett künig Clotarius 4. sün / mit namen Chilpericus / Heripertus / Guntramus vñ Sigibertus. Sigiberto ward

zu teil Austrasia / des Hauptstätt was Metz / vñnd gebat Childebertum, Childebertus aber gebat Diethpertum vnd Dietrichen.

	}	Chilpericus	Lotharius	
		Heribertus		
Clotarius	}	Guntramus	}	Childebertus
		Sigibertus		Dietrich

Dietrich vertrib seinen brüder Diethpertum / vnd bracht zu wegen das er vnd seine zwen sün erschlagen wurden / damit jm das land allein blib / aber es felt jm. Dann es ward jm vergeben von seiner anfrauwen / vnd fielen die länder hinder sich an Lotharium ein sün Chilperici. Dartzu was noch vorhanden der jung Sigibrecht / der erlangt volgends von dem künig Lothario Chilperici sün / das er jm etliche gegnen den Rhein hinab / auch das Brissgöw vnd Sunngöw eingab / machte jm zu ein Herzogen / doch das er vnd seine nachkommen sich des Austrasien reichs / auch alles künigliche titels verzig. Von diesem Sigiberto seind abkommen die gefürsteten Grauen von Habsburg. Das sein sün Obertus schrib / vñ hieß sich erstlich selbs ein Grauen von Habsburg. Dese Grauen seind also nach ein ander kommen / Obertus / Babo / Roherus / Ehbobertus / Galbon / Rapertus / Guntramus / Leuthardus / Leuthridus / Hunfridus / Guntramus / Bezalmus / Radepotus / Wernherus / Otto / Wernher / Adelbertus / Rudolfus / Albertus / Rudolphus / Albertus / Albertus / Lüpoldus / Ernestus / Fridericus / Maximilianus / Philippus / Carolus. Ich hab ihren stammen hie zu gesetze / wie sie Keyser Maximiliano seind angezeigt worden von dem erfarnen. Die andern setzen ein solche liny.

Guntram